

叢書

欽定四庫全書薈要

吉林出版集團有限責任公司
海 天 出 版 社

欽定四庫全書薈要

史部
正史類

吉林出版集團有限責任公司
海 天 出 版 社

目次

書名	卷次	頁次	作者
晉書 卷八四 列傳第五四 王恭 庾楷 劉牢之 殷仲堪 楊佺期 卷八五 列傳第五五 劉毅 諸葛長民 何無忌 檀憑之 魏詠之 卷八六 列傳第五六 張軌 卷八七 列傳第五七 涼武昭王李玄盛 卷八八 列傳第五八 孝友 李密 盛彥 夏方 王裒 許孜 庾袞 孫晷 顏含 劉殷 王延 王談 桑虞 何琦 吳達	卷八四—卷一三〇	一〇〇—一 一〇〇—一五 一〇〇—二六 一〇〇—五〇 一〇〇—六〇	唐・太宗御撰 何超音義

書名	卷次	頁次	作者
卷八九 列傳第五九 忠義 嵇紹 王豹 劉沉 麴允 賈渾 王育 韋忠 辛勉 劉敏元 周該 桓雄 韓階 周崎 易雄 樂道融 虞悝 沈 勁 吉悒 王諒 宋矩 車濟 丁穆 辛 恭靖 羅企生 張禕 卷九〇 列傳第六〇 良吏 魯芝 胡威 杜軫 竇允 王宏 曹攄 潘京 范晷 丁紹 喬智明 鄧攸 吳隱之 卷九一 列傳第六一 儒林 范平 文立 陳邵 虞喜 劉兆 汜毓 徐苗 崔游 范隆 杜夷 董景道 續咸 徐邈 孔衍 范宣 韋謏 范弘 之 王歡 卷九二 列傳第六二		一〇〇—七六 一〇〇—九三 一〇〇—一〇六 一〇〇—一二二	

書名	卷次	頁次	作者
文苑 應貞 成公綏 左思 趙至 鄒湛 棗據 褚陶 王沉 張翰 庾闡 曹毗 李充 袁宏 伏滔 羅含 顧愷之 郭澄之		一〇〇—一四六	
列傳第六三 卷九三 外戚 羊琇 王恂 楊文宗 羊玄之 虞豫 庾琛 杜乂 褚裒 何準 王濛 王遐 王蘊 褚爽		一〇〇—一五五	
列傳第六四 卷九四 隱逸 孫登 董京 夏統 朱冲 范粲 魯勝 董養 霍原 郭琦 伍朝 魯褒 汜騰 任旭 郭文 龔壯 孟陋 韓續 譙秀 翟湯 郭翻 辛謐 劉麟之 索襲 楊軻 公孫鳳 公孫永 張忠 石垣 宋纖 郭荷 郭瑀 祁嘉 瞿硎先生 謝敷 戴逵 龔玄之 陶淡 陶潛		一〇〇—一八〇	
列傳第六五 卷九五			

書名

卷次

頁次

作者

藝術 陳訓 戴洋 韓友 淳于智 步熊
杜不愆 嚴卿 隗炤 卜珣 鮑靚 吳
猛 幸靈 佛圖澄 麻襦 單道開 黃泓
索統 孟欽 王嘉 僧涉 郭謩 鳩摩
羅什 曇霍 臺產

卷九六

列傳第六六

列女 羊耽妻辛氏 杜有道妻嚴氏 王渾
妻鐘氏 鄭袤妻曹氏 愍懷太子妃王氏
鄭休妻石氏 陶侃母湛氏 賈渾妻宗氏
梁緯妻辛氏 許延妻杜氏 虞潭母孫氏
周顗母李氏 張茂妻陸氏 尹虞二女 荀
崧小女灌 王凝之妻謝氏 劉臻妻陳氏
皮京妻龍氏 孟昶妻周氏 何無忌母劉氏
劉聰妻劉氏 王廣女 陝婦人 靳康女
韋逞母宋氏 張天錫二妾 苻堅妾張氏
寶滔妻蘇氏 苻登妻毛氏 慕容垂妻段
氏 段豐妻慕容氏 呂纂妻楊氏 呂紹妻
張氏 李玄盛后尹氏

卷九七

列傳第六七

四夷 東夷 西夷 南蠻 北狄

一〇〇—二〇六

一〇〇—二二〇

書名	卷次	頁次	作者
卷九八 列傳第六八 王敦 桓溫		一〇〇—二三五	
卷九九 列傳第六九 桓玄 卞範之 殷仲文		一〇〇—二五五	
卷一〇〇 列傳第七〇 王彌 張昌 陳敏 王如 杜曾 杜弢 王機 祖約 蘇峻 孫恩 盧循 譙縱		一〇〇—二七一	
卷一〇一 載記第一 劉元海		一〇〇—二九六	
卷一〇二 載記第二 劉聰		一〇〇—三〇三	
卷一〇三 載記第三 劉曜		一〇〇—三二〇	
卷一〇四 載記第四 石勒上		一〇〇—三三六	
卷一〇五 載記第五 石勒下		一〇〇—三五三	

書名	卷次	頁次	作者
卷一〇六 載記第六 石季龍上		一〇〇—三七〇	
卷一〇七 載記第七 石季龍下		一〇〇—三八二	
卷一〇八 載記第八 慕容廆		一〇〇—三九五	
卷一〇九 載記第九 慕容皝		一〇〇—四〇四	
卷一一〇 載記第一〇 慕容儁		一〇〇—四一四	
卷一一一 載記第一一 慕容暉		一〇〇—四二四	
卷一一二 載記第一二 苻洪 苻健 苻生		一〇〇—四三七	
卷一一三 載記第一三 苻堅上		一〇〇—四四七	
卷一一四 載記第一四 苻堅下		一〇〇—四六四	

書名	卷次	頁次	作者
卷一一五 載記第一五 苻丕 苻登		一〇〇—四八五	
卷一一六 載記第一六 姚弋仲 姚襄 姚萇		一〇〇—四九八	
卷一一七 載記第一七 姚興上		一〇〇—五〇八	
卷一一八 載記第一八 姚興下		一〇〇—五一八	
卷一一九 載記第一九 姚泓		一〇〇—五二九	
卷一二〇 載記第二〇 李特 李流		一〇〇—五三八	
卷一二一 載記第二一 李雄 李班 李期 李壽 李勢		一〇〇—五四六	
卷一二二 載記第二二 呂光 呂纂 呂隆		一〇〇—五五八	
卷一二三		一〇〇—五七二	

書名	卷次	頁次	作者
載記第二三 慕容垂		一〇〇—五八三	
卷一二四			
載記第二四 慕容寶 慕容盛 慕容熙 慕容雲			
卷一二五		一〇〇—五九五	
載記第二五 乞伏國仁 乞伏軋歸 乞伏熾 磐 馮跋			
卷一二六		一〇〇—六一二	
載記第二六 禿髮烏孤 禿髮利鹿孤 禿髮 儁檀			
卷一二七		一〇〇—六二五	
載記第二七 慕容德			
卷一二八		一〇〇—六三五	
載記第二八 慕容超			
卷一二九		一〇〇—六四三	
載記第二九 沮渠蒙遜			
卷一三〇		一〇〇—六五一	
載記第三〇 赫連勃勃			

欽定四庫全書薈要

史部
晉書卷八十四

詳校官內閣侍讀孫球



欽定四庫全書薈要卷四千一百十三 史部

晉書卷八十四

唐太宗文皇帝御撰

列傳第五十四

王恭

王恭字孝伯光祿大夫蘊子定皇后之兄也少有美譽清操過人自負才地高華恒有宰輔之望與王忱齊名友善慕劉惔之為人謝安常曰王恭人地可以為將來

欽定四庫全書

晉書
卷八十四

伯舅嘗從其父自會稽至都忱訪之見恭所坐六尺簟忱謂其有餘因求之恭輒以送焉遂坐薦上忱聞而大驚恭曰吾平生無長物其簡率如此起家為佐著作郎歎曰仕宦不為宰相才志何足以騁因以疾辭俄為祕書丞轉中書郎未拜遭父憂服闋除吏部郎歷建威將軍太元中代沈嘉為丹陽尹遷中書令領太子詹事孝武帝以恭后兄深相欽重時陳郡袁悅以傾巧事會稽王道子恭言之於帝遂誅之道子嘗集朝士置酒於東

府尚書令謝石因醉為委巷之歌恭正色曰居端右之重集藩王之第而肆淫聲欲令羣下何所取則石深銜之淮陵內史虞珖子妻裴氏有服食之術常衣黃衣狀如天師道子甚悅之令與賓客談論時人皆為降節恭抗言曰未聞宰相之坐有失行婦人坐賓莫不反側道子甚愧之其後帝將擢時望以為藩屏乃以恭為都督兗青冀幽并徐州晉陵諸軍事平北將軍兗青二州刺史假節鎮京口初都督以北為號者累有不祥故桓沖

欽定四庫全書

晉書
卷八十四

二

王坦之刁彞之徒不受鎮北之號恭表讓軍號以超受為辭而實惡其名於是改號前將軍慕容垂入青州恭遣偏師禦之失利降號輔國將軍及帝崩會稽王道子執政寵昵王國寶委以機權恭每正色直言道子深憚而忿之及赴山陵罷朝歎曰棖棟雖新便有黍離之歎矣時國寶從弟緒說國寶因恭入覲相王伏兵殺之國寶不許而道子亦欲輯和內外深布腹心於恭冀除舊惡恭多不順每言及時政輒厲聲色道子知恭不可和

協王緒之說遂行於是國難始結或勸恭因入朝以兵誅國寶而庾楷黨於國寶士馬甚盛恭憚之不敢發遂還鎮臨別謂道子曰主上諒闇冢宰之任伊周所難願大王親萬幾納直言遠鄭聲放佞人辭色甚厲故國寶等愈懼以恭為安北將軍不拜乃謀誅國寶遣使與殷仲堪桓玄相結仲堪偽許之恭得書大喜乃抗表京師曰後將軍國寶得以姻戚頻登顯列不能感恩效力以報時施而專寵肆威將危社稷先帝登遐夜乃犯閤叩

欽定四庫全書

晉書
卷八十四

三

扉欲矯遺詔賴皇太后聰明相王神武故逆謀不果又割東宮見兵以為己府讒疾二昆甚於讐敵與其從弟緒同黨凶狡共相扇連此不忠不義之明白也以臣忠誠必亡身殉國是以諸臣非一賴先帝明鑒浸潤不行昔趙鞅興甲誅君側之惡臣雖駑劣敢忘斯義表至內外戒嚴國寶及緒惶懼不知所為用王珣計請解職道子收國寶賜死斬緒于市深謝愆失恭乃還京口恭之初抗表也慮事不捷乃版前司徒左長史王廙為吳國

內史令起兵於東會國寶死令廩解軍去職廩怒以兵伐恭恭遣劉牢之擊滅之上疏自貶詔不許譙王尚之復說道子以藩伯強盛宰相權弱宜多樹置以自衛道子然之乃以其司馬王愉為江州刺史割庾楷豫州四郡使愉督之由是楷怒遣子鴻說恭曰尚之兄弟專弄相權欲假朝威貶削方鎮懲警前事勢轉難測及其議未成宜早圖之恭以為然復以謀告殷仲堪桓玄等從之推恭為盟主剋期同赴京師時內外疑阻津邏嚴

急仲堪之信因庾楷達之以斜絹為書內箭幹中合鐫漆之楷送於恭恭發書絹文角戾不復可識謂楷為詐又料仲堪去年已不赴盟今無連理乃先期舉兵司馬劉牢之諫曰將軍今動以伯舅之重執忠貞之節相王以姬旦之尊時望所係昔年已戮寶緒送王廩書是深伏將軍也頃所授用雖非皆允未為大失割庾楷四郡以配王愉於將軍何損晉陽之師其可再乎恭不從乃上表以討王愉司馬尚之兄弟為辭朝廷使元顯及王

珣謝琰等距之恭夢牢之坐其處旦謂牢之曰事剋即以卿為北府遣牢之率帳下督顏延先據竹里元顯使說牢之咱以重利牢之乃斬顏延以降是日牢之遣其婿高雅之子敬宣因恭曜軍輕騎擊恭恭敗將還雅之已閉城門恭遂與弟履單騎奔曲阿恭久不騎乘髀生瘡不復能去曲阿人殷確恭故叅軍也以船載之藏於葦席之下將奔桓玄至長塘湖遇商人錢強強宿憾於確以告湖浦尉尉收之以送京師道子聞其將至欲出

與語面折之而未之殺也時桓玄等已至石頭懼其有變即於建康之倪塘斬之恭五男及弟爽爽兄子祕書郎和及其黨孟璞張恪等皆殺之恭性抗直深存節義讀左傳至奉王命討不庭每輟卷而歎為性不弘以闇於機會自在北府雖以簡惠為政然自矜貴與下殊隔不閑用兵尤信佛道調役百姓修營佛寺務在壯麗士庶怨嗟臨刑猶誦佛經自理鬚鬢神無懼容謂監刑者曰我闇於信人所以致此原其本心豈不忠於社稷但

令百代之下知有王恭耳家無財帛唯書籍而已為識者所傷恭美姿儀人多愛悅或目之云濯濯如春月柳嘗被鶴氅裘涉雪而行孟昶窺見之歎曰此真神仙中人也初見執遇故吏戴耆之為湖孰令恭私告之曰我有庶兒未舉在乳母家卿為我送寄桓南郡耆之遂送之於夏口桓玄撫養之為立喪庭帛祭焉及玄執政上表理恭詔贈侍中太保謚曰忠簡爽贈太常和及子簡並通直散騎郎殷確散騎侍郎腰斬湖浦尉及錢强等

欽定四庫全書

晉書
卷八十四

六

恭庶子曇亨宋義熙中為給事中

庾楷

庾楷征西將軍亮之孫會稽內史義小子也初拜侍中代兄準為西中郎將豫州刺史假節鎮歷陽隆安初進號左將軍時會稽王道子憚王恭殷仲堪等擅兵故出王愉為江州督豫州四郡以為形援楷上疏以江州非險塞之地而西府北帶寇戎不應使愉分督詔不許時楷懷恨使子鴻說王恭以譙王尚之兄弟復握機權勢

過國寶恭亦素忌尚之遂連謀舉兵事在恭傳詔使尚之討楷楷遣汝南太守段方逆尚之戰于慈湖方大敗被殺楷奔于桓玄及玄等盟于柴桑連名上疏自理詔赦玄等而不赦恭楷遂依玄用為武昌太守楷後懼玄必敗密遣使結會稽世子元顯若朝廷討玄當為內應及玄得志楷以謀泄為玄所誅

劉牢之

子敬宣

劉牢之字道堅彭城人也曾祖義以善射事武帝歷北地鴈門太守父建有武幹為征虜將軍世以壯勇稱牢之面紫赤色鬚目驚人而沉毅多計畫太元初謝玄北鎮廣陵時苻堅方盛玄多募勁勇牢之與東海何謙琅邪諸葛侃樂安高衡東平劉軌西河田洛及晉陵孫無終等以驍猛應選玄以牢之為叅軍領精銳為前鋒百戰百勝號為北府兵敵人畏之及堅將句難南侵玄率何謙等距之牢之破難輜重於盱眙獲其運船遷鷹揚將軍廣陵相時車騎將軍桓沖擊襄陽宣城內史胡彬

欽定四庫全書

晉書
卷八十四

七

率衆向壽陽以為冲聲援牢之領卒二千為彬後繼淮肥之後苻堅遣其弟融及驍將張蚝攻陷壽陽謝玄使彬與牢之距之師次硤石不敢進堅將梁成又以二萬人屯洛澗玄遣牢之以精卒五千距之去賊十里咸阻澗列陣牢之率叅軍劉襲諸葛求等直進渡水臨陣斬成及其弟雲又分兵斷其歸津賊步騎崩潰爭赴淮水殺獲萬餘人盡收其器械堅尋亦大敗歸長安餘黨所在屯結牢之進平譙城使安豐太守戴寶戍之遷龍驤

將軍彭城内史以功賜爵武崗縣男食邑五百戶牢之進屯鄆城討諸未服河南城堡承風歸順者甚衆時苻堅子丕據鄴為慕容垂所逼請降牢之引兵救之垂聞軍至出新興城北走牢之與沛郡太守田次之追之行二百里至五橋澤中爭趣輜重稍亂為垂所擊牢之敗績士卒殲焉牢之祭馬跳五丈澗得脫會丕救至因入臨漳集亡散兵復少振牢之以軍敗徵還頃之復為龍驤將軍守淮陰後進戍彭城復領太守祆賊劉黎僭尊

號於皇丘牢之討滅之苻堅將張遇遣兵擊破金鄉圍太山太守羊邁牢之遣叅軍向欽之擊走之會慕容垂叛將翟釗救遇牢之引還釗還牢之進平太山追釗於鄆城釗走河北因獲張遇以歸之彭城祆賊司馬徽聚黨馬頭山牢之遣叅軍竺朗之討滅之時慕容氏掠廩丘高平太守徐含遠告急牢之不能救坐畏懦免及王恭將討王國寶引牢之為府司馬領南彭城内史加輔國將軍恭使牢之討破王廙以牢之領晉陵太守恭本

以才地陵物及檄至京師朝廷戮國寶王緒自謂威德已著雖杖牢之為爪牙但以行陣武將相遇禮之甚薄牢之負其才能深懷恥恨及恭之後舉元顯遣廬江太守高素說牢之使叛恭事成當即其位號牢之許焉恭叅軍何澹之以其謀告恭牢之與澹之有隙故恭疑而不納乃置酒請牢之於衆中拜牢之為兄精兵利器悉以配之使為前鋒行至竹里牢之背恭歸朝廷恭既死遂代恭為都督兗青冀幽并徐揚州晉陵軍事牢之本

自小將一朝據恭位衆情不悅乃樹用腹心徐謙之等以自強時楊佺期桓玄將兵逼京師上表理王恭求誅牢之牢之率北府之衆馳赴京師次于新亭玄等受詔退兵牢之還鎮京口及孫恩陷會稽牢之遣將桓寶率師救三吳復遣子敬宣為寶後繼比至曲阿吳郡內史桓謙已棄郡走牢之乃率衆東討拜表輒行至吳與衛將軍謝琰擊賊屢勝殺傷甚衆徑臨浙江進拜前將軍都督吳郡諸軍事時謝琰屯烏程遣司馬高素助牢之

欽定四庫全書

晉書
卷八十四

十

牢之率衆軍濟浙江恩懼逃于海牢之還鎮恩復入會稽害謝琰牢之進號鎮北將軍都督會稽五郡率衆東征屯上虞分軍戍諸縣恩復攻破吳國殺內史袁山松牢之使參軍劉裕討之恩復入海頃之恩浮海奄至京口戰士十萬樓船千餘牢之在山陰使劉裕自海鹽赴難牢之率大衆而還裕兵不滿千人與賊戰破之恩聞牢之已還京口乃走郁州又為敬宣劉裕等所破及恩死牢之威名轉振元興初朝廷將討桓玄以牢之為前

欽定四庫全書

晉書
卷八十四

十二

鋒都督征西將軍領江州事元顯遣使以討玄事諮牢之牢之以玄少有雄名杖全楚之衆懼不能制又慮平玄之後功蓋天下必不為元顯所容深懷疑貳不得已率北府文武屯洲洲桓玄遣何穆說牢之曰自古亂世君臣相信者有燕昭樂毅玄德孔明然皆勲業未卒而二主早世設使功成事遂未保二臣之禍也鄙語有之高鳥盡良弓藏狡兔殫獵犬烹故文種誅於勾踐韓白戮於秦漢彼皆英雄霸王之主猶不敢信其功臣況凶愚凡庸之流乎自開闢以來戴震主之威挾不賞之功以見容於闇世者而誰至如管仲相齊雍齒侯漢則往往有之況君見與無射鈎屢逼之仇邪今君戰敗則傾宗戰勝亦覆族欲以安歸乎孰若翻然改圖保其富貴則身與金石等固名與天壤無窮孰與頭足異處身名俱滅為天下笑哉惟君圖之牢之自謂握強兵才能算畧足以經綸江表時譙王尚之已敗人情轉沮乃頗納穆說遣使與玄交通其甥何無忌與劉裕固諫之並不

從俄令敬宣降玄玄大喜與敬宣置酒宴集陰謀誅之陳書法畫圖與敬宣共觀以安悅其志敬宣不之覺玄佐吏莫不相視而笑元顯既敗玄以牢之為征東將軍會稽太守牢之乃歎曰始爾便奪我兵禍將至矣時玄屯相府敬宣勸牢之襲玄猶豫不決移屯班瀆將北奔廣陵相高雅之欲據江北以距玄集衆大議參軍劉襲曰事不可者莫大於反而將軍往年反王兗州近日反司馬郎君今復欲反桓公一人而三反豈得立也語畢趨

欽定四庫全書

晉書
卷八十四

十三

出佐吏多散走而敬宣先還京口援其家失期不到牢之謂其為劉襲所殺乃自縊而死俄而敬宣至不遑哭奔于高雅之將吏共殯斂牢之喪歸丹徒桓玄令斂棺斬首暴尸於市及劉裕建義追理牢之乃復本官

敬宣牢之長子也智畧不及父而技藝過之孫恩之亂隨父征討所向有功為元顯從事郎又為桓玄諮議參軍牢之敗與廣陵相高雅之俱奔慕容超夢丸土而服之既覺喜曰丸者桓也丸既吞矣我當復本土也旬日

而玄敗遂與司馬休之還京師拜輔國將軍晉陵太守與諸葛長民破桓歆於芍陂遷建威將軍江州刺史鎮尋陽又擊桓亮苻宏於湘中所在有功安帝反政徵拜冠軍將軍宣城內史領襄城太守譙縱反以敬宣督征蜀諸軍事假節與寧朔將軍臧喜西伐敬宣入自白帝所攻皆剋軍次黃獸與偽將譙道福相持六十餘日遇癘疫又以食盡班師為有司所劾免官頃之為中軍諮議加冠軍將軍尋遷鎮蠻護軍安豐太守梁國內史會盧循反以冠軍將軍從大軍南討循平遷左衛將軍散騎常侍又遷征虜將軍青州刺史尋改鎮冀州為其參軍司馬道賜所害

殷仲堪

殷仲堪陳郡人也祖融太常吏部尚書父師驃騎諮議參軍晉陵太守沙陽男仲堪能清言善屬文每云三日不讀道德論便覺舌本間強其談理與韓康伯齊名士咸愛慕之調補佐著作郎冠軍謝玄鎮京口請為參軍

欽定四庫全書

晉書
卷八十四

十三